



Jens Napaattoq
Inatsisartunut ilaasortaq, Naleraq
inatsisartut@inatsisartut.gl

Qaanaap Upernaviullu akornanni timmisartuussisarnerit pillugit § 37 naapertorlugu apeqummut 2023-109-mut akissut

11-07-2023
Suliap nr.: 2023 - 17782
ID nr. 87758729

Asasara Jens Napaattoq,

Inatsisartut Suleriaasissaanni § 37 naapertorlugu Naalakkersuisunut Qaanaap Upernaviullu akornanni timmisartuussisarnerit pillugit apequteqarsimavutit. Apequtigisatit uannut akisassanngortinneqarsimapput. Apequtigineqartut tullinnguuttuni ataasiakkaarlugit uteqqinneqarput akissutinillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apequt 1: "Timmisartukket billetinik annertuumik akitsuinermi kukkusoqarsimasoq Air Greenlandip paasissutissiisutigaa, Air Greenlandillu Naalakkersuisutigoorlugu kukkunerup aaqinneqarsimanera paasissutissiisutigaa. Innuttaasut namminersorlutillu inuussutissarsiorlut kukkuneq pissutigalugu aningaasarpassuarnik annaasaqartut taarsiivigineqarnissaat Naalakkersuisut Air Greenlandimut piumasaqaatigilersaarpaat?"

Akissut: Ajornartorsiut saqqummiunneqartoq Ineqarnermut Attaveqaasersuutinullu Naalakkersuisoqarfimmit Air Greenlandimut saqqummiunneqarpoq, taakkulu ulloq 29. juni 2023 ima ilisimatitsipput:

*"Qaanaap Upernaviullu akornanni JAV aqqusaarlugu angalasut kukkusumik akilersillugit tunineqarsimasut paasiniarlugit juni 2022-mit maannamut angalasut tamaasa ataasiakkaarlugit Air Greenlandimit misissuiffigineqarsimapput.
Angalasut arfineq pingasut kukkusumik akiliitinneqarsimasut paasivagut. Ilaasut eqqorneqarsimasut sullissinermut immikkoortortaqaarfitsinnit attavigineqassapput akiliutigineqarpallaarsimasut utertinneqarnissaat siunertarlugu.
Tassa ilaasut suli taarsiivigineqarsimangillat - tamannali piaartumik pissaaq.
Kukkunitsigut atuisartutsinnik eqquisimanerput ajuusaarutigaarput."*

Apequt 2: "Upernavimmiit Upernavimmullu timmisartukket billetit akisoorujussuupput. Assersuutigalugulu Upernavimmiit Ilulissanut siumuinnaq standard flexbillet 10.505 kr-eqarpoq, billetilu aqummut tassunga akikinnek utertinneqarsinnaanngitsaq 2.460kr-eqarpoq. Sooq standard flexbilletip billetillu utertinneqarsinnaanngitsut akii taamak annertutigisumik nikingatigippat?"

Akissut: Ilulissat Upernaviullu akornanni timmisartuussisarnerit sullissinissamik isumaqatigiisummik tunngaveqanngillat. Taamaasilluni angalanermi akit niuernermi atugassarititat aallaavigalugit Air Greenlandimit nammineq aalajangersarneqartarput.

Timmisartortitseqatigiiffik akinik aalajangersaasarpoq – tassunga ilanngullugit billitsinik allanngortinneqarsinnaasunik aammalu billitsinik utertinneqarsinnaanngitsunik neqerooruteqartarneq – taamaalilluni timmisartut ilaasoqarluartuaannarnissaat anguniarlugu.

Billitsinik utertinneqarsinnaanngitsunik tunisaqartarnikkut ilaasussat piffissaq kingullerpaaq atorlugu aallarnissaminnik taamaatitsiinnartarneri timmisartortitseqatigiiffimmit pinngitsoortinniarnearput. Timmisartoq amerlasuunik inissaqartillugu timmisartortitseqatigiiffik timmisartumut aallartussat amerlanerutinniarlugit billitsinik akikitsunik immikkut ittunik neqerooruteqarsinnaasarpoq.

Ingerlaarfinniit ingerlaarfinnut timmisartut issiaviit tamakkernagit inissaqarsinnaasarpoq taamaattumillu timmisartortitseqatigiiffik ingerlaarfinni assigiinngitsuni assigiinngitsunik akeqartitsisinnaasarpoq. Billitsit aalajangersimasut allanngortinneqarsinnaanngitsut aamma billitsit aalajangersimasut allanngortinneqarsinnaasut assigiinngitsuupput assigiinngitsunik akillit.

Apeqquut 3: "Ineqarnermut Attaveqarnermullu Naalakkersuisumit, Qaanaap Upernaviullu akornanni timmisartukkut aqqummi sullissinissamik isumaqatigiissummut akisussaasuusumit ilassutissanik pissarsisoqarpoq, tassanilu "standard flexibel" billetimut aki sullissinissamut isumaqatigiissut naapertorlugu isumaqatigiissutigineqartuusooq Air Greenland paasissutissiivoq. Taamaattoq billetit allaanerusut marluk "standard" amma "Takuss" akinik aalajangersaavigineqarnerani kukkusoqarsimasooq paasissutissiissutigineqarpoq, billetillu taakku akitut aalajangiunneqarsimasunit appasinnermut inissinneqarput. Kukkunerup kingunerisaanik billetit marluk taakku akii standard flexibelimit qaffasinnerujussuarmik inissinneqarput. Pissutsit maanna aaqqinneqarsimalernerat tassunga atatillugu paasissutissiissutigineqarpoq. Kukkunerup aaqqinneqarnissaa Naalakkersuisut sulissutiginiarpaat, atuisullu eqqorneqartut kukkunerumut taarsiivigineqassappat? Annertuumik kukkusoqarneranut innuttaasut taarsiivigineqarnissamut periarfissinneqarnissaat Naalakkersuisut naapertuuttutut isigaat?"

Akissut: Apeqquummut tunngavigineqartoq paasivara, bilitsit ima ittut "Nalinginnaasumik atuuttut" aamma "Takuss" Qaanaap Upernaviullu akornanni kiffartuussinissamik isumaqatigiissuteqarluni angallaviusumi kiffartuussinissamik isumaqatigiissummi akit isumaqatigiissutaasut qaangersimagaat. Taamaasilluni ajornartorsiut apeqquummi 1-imi apeqqutigineqartup assigaa. Taamaattumik apeqquummut 1-imut akissut takuuk.

Neriuppunga matuma qulaani apeqquutitit akineqarsimassasut.

Inussiarnersumik Inuulluaqqusillunga


Erik Jensen